



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTOV 0020075 21
Sarajevo, 24.10.2023. godine

SUD BOSNE I HERCEGOVINE
SARAJEVO
- Sudiji za prethodno saslušanje -

Na osnovu odredbi člana 35. stav (2) tačka i) i odredbi člana 226. stav (1), u vezi sa odredbama člana 227. Zakona o krivičnom postupku Bosne i Hercegovine (u daljem tekstu ZKP BiH) p o d i ž e m:

OPTUŽNICU

Dragana Gajića, rodenog 1987. godine u Nikšiću, državljanina R Crne Gore,

[REDACTED]

Blaženka Raševića, rodenog 1978. godine u Sarajevu,

[REDACTED]
državljanina Bosne i Hercegovine i Republike Srbije,

[REDACTED]

Žarka Joknića, [REDACTED] rođenog [REDACTED] 1977. godine u Foči, državljanina BiH, [REDACTED]
[REDACTED]
[REDACTED]
[REDACTED]
[REDACTED]
[REDACTED]
[REDACTED]
[REDACTED]

Vlatka Blaževića, rođenog [REDACTED] 1975. godine u Travniku, [REDACTED]
[REDACTED]
državljanina Bosne i Hercegovine i Republike Hrvatske, [REDACTED]
[REDACTED]
[REDACTED]
[REDACTED]
[REDACTED]

Nikole Jovančića, [REDACTED] rođenog [REDACTED] 1990. godine u R Sloveniji, državljanina Bosne i Hercegovine, [REDACTED]
[REDACTED]
[REDACTED]
[REDACTED]

Šabana Kude, [REDACTED] rođenog [REDACTED] 1969. godine u Foči, državljanina Bosne i Hercegovine, [REDACTED]
[REDACTED]
[REDACTED]
[REDACTED]

Selvedina Selimovića, [REDACTED] rođenog [REDACTED] 1976. godine u Zenici, [REDACTED]
[REDACTED]
državljanina Bosne i Hercegovine, [REDACTED]
[REDACTED]
[REDACTED]

ŠTO SU:

1.

U vremenskom periodu od 2019. godine do 17. marta 2022. godine, na teritoriji Bosne i Hercegovine, Crne Gore, R Hrvatske i drugih država Evropske unije, u cilju sticanja protivpravne imovinske koristi, neovlaštenim međunarodnim transportom i prometom opojne droge „Cannabis sativa L“, iako su znali da se radi o opojnoj drogi, kao i da nemaju odobrenje nadležnog organa za nabavku, kupovinu, držanje i prodaju opojne droge, a koja se nalazi na Listi opojnih droga psihotropnih materija i biljaka iz kojih se može dobiti opojna droga i prekursora, suprotno Zakonu o sprečavanju i suzbijanju zloupotrebe opojnih droga (“Službeni glasnik Bosne i Hercegovine“, broj 08/06, 103/08 i 51/11), Konvenciji o psihopatskim supstancama iz 1971. godine i Konvenciji UN protiv nezakonitog prometa opojnih droga i psihotropnih supstanci iz 1988. godine, čiji je promet zabranjen i može se obavljati samo na osnovu dozvole nadležnog organa izdate na osnovu Zakona o sprečavanju i suzbijanju zloupotreba opojnih droga Bosne i Hercegovine, koju dozvolu nisu imali, iako svjesni zabranjenosti ovih radnji i svjesni svog djelovanja, htijući to, međusobnim povezivanjem i dogovaranjem, te povezivanjem i dogovaranjem sa drugim njima poznatim licima, **Dragan Gajić** i [REDACTED] organizovali grupu za organizovani kriminal u smislu člana 1. stav (22) Krivičnog zakona Bosne i Hercegovine (Grupa), čiji pripadnici su postali **Blaženko Rašević, Žarko Joknić, Vlatko Blažević, Nikola Jovančić, Šaban Kudo, Selvedin Selimović,** [REDACTED] i druga njima poznata lica, a kojom je Gajić Dragan i rukovodio na način da je svakom od pripadnika u realizaciji planiranog podijelio uloge i dodijelio unaprijed određene zadatke, da bi u preduzimanju radnji izvršenja krivičnih djela koje su činili po uputama organizatora Dragana Gajića, nužno bili međusobno povezani, pa je svaki od njih imao svijest i znanje o određenim zadacima i radnjama izvršenja drugih pripadnika, da bi u prilikama preduzimanja radnji izvršenja krivičnih djela međusobno komunicirali i putem telefonskih aparata tzv. „Kripta“, sa instaliranom kriptovanom aplikacijom SkyEcc, pri čemu je svaki član grupe koristio odgovarajući kod/šifru kao i posebno korisničko ime prilikom korištenja pomenute aplikacije SkyEcc, vjerujući da će grupa preko navedenih sredstava komunikacije, u tom trenutku nepristupačnim organima gonjenja, neopaženo istrajati i činiti krivična djela radi kojih je i formirana, i to: Dragan Gajić (Sky Ecc kod: [REDACTED])

[REDACTED] Blaženko Rašević (Sky Ecc kod: [REDACTED])
[REDACTED] Žarko Joknić (Sky Ecc kod: [REDACTED])
[REDACTED] Vlatko Blažević (Sky Ecc kod: [REDACTED]), Nikola Jovančić (Sky Ecc kod: [REDACTED]), Šaban Kudo (Sky Ecc kod: [REDACTED]), Selvedin Selimović (Sky Ecc kod: [REDACTED])

[REDACTED], pa su u sastavu Grupe, nakon što bi organizator Gajić Dragan u neposrednim ili posrednim kontaktima sa pripadnicima drugih povezanih grupa za organizovani kriminal koje su sa istim ciljem djelovale na teritoriji Bosne i Hercegovine i šire, dogovorio cijenu transporta opojne droge po jednom kilogramu, i to za novčane iznose od najmanje 150 Eura iz Crne Gore u Bosnu i Hercegovinu i najmanje 250 Eura iz Crne Gore u R Hrvatsku, te vrijeme, mjesto i način primopredaje opojne droge u Crnoj Gori, pripadnici Grupe Nikola Jovančić, [REDACTED] ili drugi njima poznati pripadnici grupe iz Crne Gore, istu opojnu drogu u većim količinama, a ne manje od 100 kg, preuzimali na različitim lokacijama u Crnoj Gori, a potom motornim vozilima zajedno sa organizatorom Draganom Gajićem prevozili sa teritorije Crne Gore na teritorij Bosne i Hercegovine, preko ilegalnih međudržavnih graničnih prelaza na području općine Gacko, u blizini graničnog prelaza Krstac, za vrijeme dok se pripadnik Šaban Kudo u svojstvu službenika Granične policije Bosne i Hercegovine nalazio na radnim zadacima na Graničnom prelazu Krstac, koji je za novčani

iznos od po 500 EUR-a po prelazu, a koji je primao, odnosno koji su mu davali Dragan Gajić ili Vlatko Blažević, izviđanjem, navođenjem i blagovremnim dostavljanjem informacija o kretanju službenih lica u pojasu graničnog prelaza Krstac, postupajući suprotno Zakonu o graničnoj kontroli Bosne i Hercegovine („Službeni glasnik Bosne i Hercegovine“, br: 53/09, 54/10 i 47/14), obezbijedio neometan prevoz opojne droge na teritorij Bosne i Hercegovine, na područje općine Gacko ili u drugim prilikama neometanog prevoza kada ovaj pripadnik nije bio na radnim zadacima, gdje su ih na teritoriji Bosne i Hercegovine u određeno vrijeme i na određenom mjestu, u blizini međunarodne granice, čekali pripadnici Grupe Blaženko Rašević, Vlatko Blažević, Selvedin Selimović [REDACTED], koji su opojnu drogu radi daljeg transporta i prodaje istim ili drugim vozilima prevozili u Bosni i Hercegovini i smještali u objekte: na području Novog Travnika kod pripadnika Vlatka Blaževića, Čapljine [REDACTED] Livna [REDACTED] i Gradiške [REDACTED]

[REDACTED] dok su u vrijeme prevoza opojne droge organizator Dragan Gajić sam ili zajedno sa pripadnikom Blaženkom Raševićem ili Vlatkom Blaževićem, s ulogom tzv. „čistača“ vršili izviđanje putne komunikacije kojom se vršio transport opojne droge do lokacije skladištenja, kako bi o eventualnom postojanju policijskih patrola o tome obavještavali pripadnike koji su sa ulogom vozača vršili prevoz opojne droge, u kojim prilikama su svi koristili mobilne telefone tzv. „Kečeve“, u komunikaciji „jedan na jedan“, a koje su po izvršenim transportima uništavali zajedno sa korištenim telefonskim karticama, ili je Žarko Joknić zajedno sa drugim njemu poznatim licima, opojnu drogu preuzimao na različitim lokacijama na teritoriji Crne Gore, a zatim na njima poznat način prevozili ili prenosili zaobilazeći granični prelaz Hum na području općine Foča, skladištio opojnu drogu na njemu poznatim lokacijama na području Foče, nakon čega bi određenu količinu opojne droge, koja je na opisane načine nezakonito prenesena ili prevezena preko međudržavne granice na području općine Gacko i Foča, i koja se nalazila uskladištena na teritoriji Bosne i Hercegovine, organizator Dragan Gajić ili pripadnici Blaženko Rašević, Vlatko Blažević, Nikola Jovančić, Selvedin Selimović, Žarko Joknić [REDACTED] predavali na teritoriji Bosne i Hercegovine pripadnicima drugih povezanih grupa za organizovani kriminal za koje je izvršen nezakonit transport opojne droge, [REDACTED]

[REDACTED] dok su najvećim dijelom opojnu drogu teretnim i drugim motornim vozilima po uputama organizatora pripadnici Vlatko Blažević, [REDACTED] prevozili preko graničnih prelaza ili zaobilazeći legalne granične prelaze Gradiška, Strmice, Gabela sa teritorije Bosne i Hercegovine u R Hrvatsku, potom u Mađarsku i druge države Evropske unije, ili su za dogovorene novčane iznose to radili pripadnici drugih povezanih grupa za organizovani kriminal, [REDACTED]

[REDACTED] i druga njima poznata lica, gdje su dalje opojnu drogu predavali njima poznatim licima radi dalje prodaje ili je organizator Dragan Gajić, u određenim prilikama, opojnu drogu za čiju nabavku je prethodno novac obezbijedio [REDACTED] prodavao direktno ili posredstvom pripadnika grupe [REDACTED] na području Kantona Sarajevo, [REDACTED]

[REDACTED] Srednjobosanskog kantona ili Zeničkodobojskog kantona i drugim njima poznatim licima na teritoriji Bosne i Hercegovine i R Hrvatske za iznose od 1500 do 2000 Eura po jednom kilogramu, pri čemu je grupa neovlašteno prometovala sa najmanje 3.699 kg opojne droge „Cannabis Sativa L“ od čega je pronađeno i privremeno oduzeto najmanje 1.200 kg opojne droge u više odvojenih događaja, čime su u sastavu Grupe stekli protivpravnu imovinsku korist u iznosu od najmanje 554.850,00 Eura, odnosno u protivvrijednosti 1.081.957,5 KM, pa su u najmanje opisanim događajima:

- 1.1. Dragan Gajić i Nikola Jovančić, zajedno sa [REDACTED] drugim njima poznatim licima**

U vremenskom periodu od 24.09.2019. do 25.09.2019. godine, na teritoriji Crne Gore i Bosne i Hercegovine, neovlašteno prometovali količinom od najmanje 100 kg opojne droge „Cannabis Sativa L“, na način da je Nikola Jovančić zajedno sa [REDAKT], dana 24.09.2019. godine, na njima poznatoj lokaciji u širem području grada Podgorica, zajedno sa njima poznatim licima iz Crne Gore, u kombi vozilo VW Transporter, registarskih oznaka [REDAKT], utovario najmanje 100 kg opojne droge „Cannabis Sativa L“, nakon čega se vozilom uputio prema mjestu Krstac, u neposrednoj blizini pograničnog prelaza Krstac, na kojem mjestu ga je čekao organizator Dragan Gajić, da bi dana 25.09.2019. godine, Dragan Gajić i Nikola Jovančić istim vozilom kojim je upravljao Dragan Gajić, sporednim lokalnim putevima, preko ilegalnog prelaza međudržavne granice prevezli navedenu količinu opojne droge na teritorij Bosne i Hercegovine, na području općine Gacko, nakon čega su istim vozilom kojim je upravljao Nikola Jovančić opojnu drogu transportovali na područje općine Čapljina, mjesto Gabela, gdje su njima poznatu količinu opojne droge radi daljeg transporta i prodaje smjestili u garažnom prostoru [REDAKT], dok su preostali dio, istoga dana prevezli na područje Gradiške i istu radi dalje prodaje predali njima poznatim pripadnicima druge povezane Grupa za organizovani kriminal;

1.2. Dragan Gajić i Nikola Jovančić, zajedno sa [REDAKT] drugim njima poznatim licima

U vremenskom periodu od 27.09.2019. do 29.09.2019. godine, na teritoriji Crne Gore, Bosne i Hercegovine i R Hrvatske, neovlašteno prometovali količinom od najmanje 100 kg opojne droge „Cannabis Sativa L“, na način da je Nikola Jovančić zajedno sa [REDAKT], dana 27.09.2019. godine, na njima poznatoj lokaciji u širem području grada Podgorica, zajedno sa njima poznatim licima iz Crne Gore, u vozilo Nissan Pathfinder, registarskih oznaka [REDAKT], utovario najmanje 100 kg opojne droge „Cannabis Sativa L“, nakon čega se vozilom uputio prema mjestu Krstac, u neposrednoj blizini pograničnog prelaza Krstac, na kojem mjestu ga je čekao organizator Dragan Gajić, da bi dana 28.09.2019. godine, Dragan Gajić i Nikola Jovančić istim vozilom kojim je upravljao Dragan Gajić, sporednim lokalnim putevima, preko ilegalnog prelaza međudržavne granice prevezli navedenu količinu opojne droge na teritorij Bosne i Hercegovine, na području općine Gacko, nakon čega su istim vozilom kojim je upravljao Nikola Jovančić opojnu drogu transportovali na područje Gradiške i istu radi dalje prodaje predali njima poznatim pripadnicima druge povezane Grupa za organizovani kriminal, nakon čega su njima poznata lica opojnu drogu, koja je na područje Gradiške transportovana na način opisan pod 1.1. i ovu opojnu drogu, plovnom putem preko rijeke Save prebacili preko međunarodne granice na teritorij R Hrvatske, a koju su dana 01.10.2019. godine, na lokalitetu koji je udaljen tri kilometra od mjesta „Dolina“ - R Hrvatska, pronašli policijski službenici R Hrvatske u količini od 202,94 kg, koja je bila upakovana u 195 paketa, koji su se nalazili u četiri torbe;

1.3. Dragan Gajić, Nikola Jovančić, Blaženko Rašević, zajedno [REDAKT] drugim njima poznatim licima

U vremenskom periodu od 03.10.2019. do 11.10.2019. godine, na teritoriji Crne Gore, Bosne i Hercegovine i R Hrvatske, neovlašteno prometovali količinom od najmanje 510 kg opojne droge „Cannabis Sativa L“, na način da je, Nikola Jovančić zajedno sa [REDAKT], dana 04.10.2019. godine, na njima poznatoj lokaciji na području grada Podgorica, preuzeo od njima poznatog lica [REDAKT] i utovario najmanje 510 kg opojne droge „Cannabis Sativa L“ u vozilo Fiat Ducato, registarskih oznaka [REDAKT], nakon čega se vozilom uputio prema mjestu Krstac, u neposrednoj blizini graničnog prelaza Krstac, na kojem ga je čekao organizator Dragan Gajić, da bi dana 05./06.10.2019. godine Dragan Gajić i Nikola Jovančić istim vozilom, kojim je upravljao Dragan Gajić, sporednim lokalnim putevima, preko ilegalnog prelaza međudržavne granice prevezli navedenu količinu opojne droge na teritorij Bosne i Hercegovine, na području općine Gacka, gdje ih je čekao Blaženko Rašević, nakon čega su istim vozilom, kojim je upravljao Nikola Jovančić, opojnu drogu transportovali na područje općine Čapljina, mjesto Gabela, za koje vrijeme prevoza su

organizator Gajić Dragan i Blaženko Rašević s ulogom tzv. „čistača“, u drugom putničkom motornom vozilu, vršili izviđanje putne komunikacije kojom se vršio transport opojne droge do lokacije skladištenja, gdje su njima poznatu količinu opojne droge radi daljeg transporta i prodaje smjestili u garažnom prostoru kuće [REDACTED] da bi od ukupne količine opojne droge, [REDACTED] preuzeo najmanje 75 kg, koju je dana 07.10.2019. godine nezakonito prevezao ili prenio iz Bosne i Hercegovine u R Hrvatsku, na područje grada Splita;

1.4. Dragan Gajić, Nikola Jovančić, Blaženko Rašević, zajedno [REDACTED] drugim njima poznatim licima

U vremenskom periodu od 16.10.2019. do 20.10.2019. godine, na teritoriji Crne Gore, Bosne i Hercegovine i R Hrvatske, neovlašteno prometovali najmanje 100 kg opojne droge „Cannabis Sativa L“, na način da je Nikola Jovančić zajedno sa [REDACTED], dana 17.10.2019. godine, na njima poznatoj lokaciji na širem području grada Podgorica, preuzeo od njima poznatih lica, među kojima se nalazi [REDACTED], i utovario najmanje 100 kg opojne droge „Cannabis Sativa L“ u vozilo Mercedes Viano/Vito, registarskih oznaka [REDACTED], nakon čega se vozilom uputio prema mjestu Krstac, u neposrednoj blizini graničnog prelaza Krstac, na kojem ga je čekao organizator Dragan Gajić, da bi dana 17./18.10.2019. godine Dragan Gajić i Nikola Jovančić istim vozilom, kojim je upravljao Dragan Gajić, sporednim lokalnim putevima, preko ilegalnog prelaza međudržavne granice prevezli navedenu količinu opojne droge na teritorij Bosne i Hercegovine, na području Gacka, gdje ih je čekao Blaženko Rašević, nakon čega su istim vozilom kojim je upravljao Nikola Jovančić opojnu drogu transportovali na područje općine Čapljina, mjesto Gabela, za koje vrijeme prevoza su Dragan Gajić i Blaženko Rašević s ulogom tzv. „čistača“, u drugom putničkom motornom vozilu, vršili izviđanje putne komunikacije, kojom se vršio transport opojne droge, do lokacije skladištenja, gdje su njima poznatu količinu opojne droge radi daljeg transporta i prodaje smjestili u garažnom prostoru [REDACTED], da bi od ukupne količine opojne droge, dana 18.10.2019. godine, Dragan Gajić prodao [REDACTED] najmanje 50 kg opojne droge „Cannabis Sativa L“ po cijeni od najmanje 1500 Eura po jednom kilogramu, dok je [REDACTED] zajedno sa drugim njima poznatim licima preostalu količinu opojne droge nezakonito prevezao ili prenio iz Bosne i Hercegovine u R Hrvatsku, u vremenskom periodu od 18.10.2019. godine do 20.10.2019. godine;

1.5. Dragan Gajić, Nikola Jovančić, Blaženko Rašević, zajedno sa [REDACTED] drugim njima poznatim licima

U vremenskom periodu od 21.10.2019. do 04.11.2019. godine, na teritoriji Crne Gore, Bosne i Hercegovine i R Hrvatske, neovlašteno prometovali količinom od najmanje 500 kg opojne droge „Cannabis Sativa L“, na način da je Nikola Jovančić zajedno sa [REDACTED], dana 21.10.2019. godine, na njima poznatoj lokaciji, na širem području grada Podgorica, zajedno sa njima poznatim licima iz Crne Gore, utovario najmanje 500 kg opojne droge „Cannabis Sativa L“ u kombi vozilo Mercedes Viano/Vito, registarskih oznaka [REDACTED], nakon čega se vozilom uputio prema mjestu Krstac, u neposrednoj blizini pograničnog prelaza Krstac, na kojem mjestu ga je čekao organizator Dragan Gajić, da bi dana 21./22.10.2019. godine, Dragan Gajić i Nikola Jovančić istim vozilom kojim je upravljao Dragan Gajić, sporednim lokalnim putevima, preko ilegalnog prelaza međudržavne granice prevezli navedenu količinu opojne droge na teritorij Bosne i Hercegovine, na području općine Gacko, nakon čega su istim vozilom kojim je upravljao Nikola Jovančić opojnu drogu transportovali na područje Čapljine, mjesto Gabela, za koje vrijeme prevoza su organizator Dragan Gajić i Blaženko Rašević s ulogom tzv. „čistača“, u drugom putničkom motornom vozilu, vršili izviđanje putne komunikacije kojom se vršio transport opojne droge do lokacije skladištenja, gdje su njima poznatu količinu opojne droge radi daljeg transporta i prodaje smjestili u garažnom prostoru [REDACTED], da bi jedan dio opojne droge, dana 22.10.2023. godine njima poznata lica prevezla iz

Bosne i Hercegovine u R Hrvatsku, čiji je dalji prevoz na teritoriji R Hrvatske i drugih država Evropske unije, u vremenskom periodu od 29.10.2019. do 04.11.2019. godine, izvršio Nikola Jovančić i predao njima poznatim licima sa kojima je organizator Dragan Gajić dogovorio neovlašten promet, dok su preostalu opojnu drogu, koja je bila smještena u garažnom prostoru [REDACTED], dana 23.10.2019. godine u količini od 238,686 kg, [REDACTED]

[REDACTED] pronašli i privremeno oduzeli policijski službenici Državne agencije za istrage i zaštitu na području Čapljine, u mjestu Gabela;

1.6. Dragan Gajić, Žarko Joknić, Vlatko Blažević, Nikola Jovančić, zajedno [REDACTED] drugim njima poznatim licima

U vremenskom periodu od 03.12.2019. do 12.12.2019. godine, na teritoriji Crne Gore, Bosne i Hercegovine i R Hrvatske, neovlašteno prometovali količinom od najmanje 167 kg opojne droge „Cannabis Sativa L“, na način da je Žarko Joknić zajedno sa drugim njemu poznatim licima, dana 03.12.2019. godine, na njima poznatoj lokaciji na teritoriji Crne Gore, preuzeo i smjestio u njima poznato vozilo najmanje 167 kg opojne droge „Cannabis Sativa L“, da bi istog dana, za novčani iznos od najmanje 16 700 Eura koji je dobio od organizatora Dragana Gajića, sporednim lokalnim putevima, preko ilegalnog prelaza međudržavne granice opojnu drogu prevezao na teritorij Bosne i Hercegovine, smjestio na njemu poznatoj lokaciji na području općine Foča, koju je dana 04.12.2019. godine, predao Nikoli Jovančiću i drugim njima poznatim licima, a isti preuzetu opojnu drogu u toku dana 04.12.2019. godine prevezao na područje Livna, gdje su 167 kg opojne droge, radi daljeg transporta i prodaje smjestili u prostor [REDACTED], da bi dana 05.12.2019. godine [REDACTED] sa vozilom Mercedes, registarskih oznaka [REDACTED], preko Međunarodnog graničnog prelaza Strmica, nezakonito prevezao 98 kg opojne droge „Cannabis Sativa L“, iz Bosne i Hercegovine u R Hrvatsku, sa namjerom da opojnu drogu, na području Knina, preda Nikoli Jovančiću i licu [REDACTED], a do koje primopredaje nije došlo jer su Nikola Jovančić i [REDACTED] lišeni slobode na teritoriji R Hrvatske, zbog čega su dalje navedenu količinu opojne droge od 98 kg, po dogovoru sa Draganom Gajićem, preuzela njemu poznata lica i prevezli na područje Mađarske, da bi dana 12.12.2019. godine [REDACTED] sa vozilom Mercedes, registarskih oznaka [REDACTED] i Vlatko Blažević, sa kombi vozilom Opel Vivaro, registarskih oznaka [REDACTED], preko Međunarodnog graničnog prelaza Strmica, nezakonito prevezli 29 kg opojne droge, iz Bosne i Hercegovine u R Hrvatsku i dalje predali licu [REDACTED], a preostalu količinu opojne droge od 40 kg, [REDACTED] po uputama Dragana Gajića, predao njima poznatim licima na teritoriji Bosne i Hercegovine;

1.7. Dragan Gajić, Blaženko Rašević, Žarko Joknić, zajedno sa drugim njima poznatim licima

U vremenskom periodu od 26.12.2019. do 29.12.2019. godine, na teritoriji Crne Gore i Bosne i Hercegovine, neovlašteno prometovali količinom od najmanje 75 kg opojne droge „Cannabis Sativa L“, na način da je Žarko Joknić zajedno sa drugim njemu poznatim licima, dana 26.12.2019. godine, na njima poznatoj lokaciji na teritoriji Crne Gore, preuzeo i smjestio u njima poznato vozilo najmanje 75 kg opojne droge „Cannabis Sativa L“, da bi istog dana, za novčani iznos od 80 Eura po jednom kilogramu opojne droge, koji je dobio od organizatora Dragana Gajića, sporednim lokalnim putevima, preko ilegalnog prelaza međudržavne granice prevezao na teritorij Bosne i Hercegovine, smjestio na njemu poznatoj lokaciji na području općine Foča, od koje količine opojne droge je dana 27.12.2019. godine, 60 kg opojne droge predao Blaženku Raševiću, koji je zajedno sa njemu poznatim licima opojnu drogu prevezao i prodao njima poznatim licima na području I Sarajeva i Kantona Sarajevo;

1.8. Dragan Gajić, zajedno sa Nikolom Jovančićem i drugim njima poznatim licima

U vremenskom periodu od 27.01.2020. do 28.01.2020. godine, na teritoriji Crne Gore, Bosne i Hercegovine i R Hrvatske, neovlašteno prometovali količinom od najmanje 481 kg opojne droge „Cannabis Sativa L“, na način da, nakon što su njima poznata lica nezakonito prevezli iz Crne Gore, preko Bosne i Hercegovine, u R Hrvatsku 481 kg opojne droge „Cannabis Sativa L“, Nikola Jovančić zajedno sa licem [REDACTED], na teritoriji R Hrvatske na širem području Zagreba, u kombi vozilo Citroen Jumper, registarskih oznaka [REDACTED], smjestio navedenu količinu opojne droge, zatim dalje prevezao u pravcu međudržavne granice između R Hrvatske i R Slovenije, sve do naselja Radakovo u blizini granice sa R Slovenijom, gdje je zajedno sa licem [REDACTED] lišen slobode od strane policijskih službenika Ministarstva unutrašnjih poslova R Hrvatske, kojom prilikom je u vozilu Citroen Jumper pronađeno i privremeno oduzeto 481 kg opojne droge „Cannabis Sativa L“, upakovanih u 275 paketa;

1.9. Dragan Gajić, Blaženko Rašević, Žarko Joknić, Vlatko Blažević, zajedno sa [REDACTED] drugim njima poznatim licima

U vremenskom periodu od 17.02.2020. do 28.02.2020. godine, na teritoriji Crne Gore, Bosne i Hercegovine i R Hrvatske, neovlašteno prometovali količinom od najmanje 100 kg opojne droge „Cannabis Sativa L“, na način da je [REDACTED], po uputama organizatora Dragana Gajića [REDACTED], na širem području Albanije pronašao i kupio od njima poznatih lica, među kojima [REDACTED], najmanje 100 kg opojne droge „Cannabis Sativa L“, koja je plaćena novcem koji je prethodno obezbjedio [REDACTED], a koju opojnu drogu su njima poznata lica, po dogovoru sa Draganom Gajićem, [REDACTED], nezakonito prenijeli ili prevezli iz Albanije u Crnu Goru, da bi istu opojnu drogu Žarko Joknić, zajedno sa drugim njemu poznatim licima, preuzeo na teritoriji Crne Gore, a zatim dalje sporednim lokalnim putevima, preko ilegalnog prelaza međudržavne granice, prevezao na teritorij Bosne i Hercegovine, na području općine Foča, i to dana 17.02.2020. godine, najmanje 40 kg opojne droge, za novčani iznos novca od 100 Eura po jednom kilogramu, a dana 18.02.2020. godine, najmanje 60 kg opojne droge, za novčani iznos od 80 Eura po jednom kilogramu, koji je i dobio od Dragana Gajića, nakon čega je istu smjestio na njemu poznatoj lokaciji na području Foče, da bi od ukupne količine, dana 23.02.2020. godine, nakon što je Blaženko Rašević pronašao kupca opojne droge, za iznos od 1600 Eura po jednom kilogramu, Žarko Joknić opojnu drogu u količini od najmanje 38,5 kg predao kupcu na području općine Foča, dok je preostalu količinu opojne droge, i to najmanje 60 kg, na njima poznat način Vlatko Blažević, prevezao na teritorij R Hrvatske, za novčani iznos od 6600 Eura, koji mu je po uputama organizatora predao Blaženko Rašević;

1.10. Dragan Gajić, Žarko Joknić, Vlatko Blažević, zajedno [REDACTED] drugim njima poznatim licima

U vremenskom periodu od 20.06.2020. do 09.07.2020. godine, na teritoriji Crne Gore i Bosne i Hercegovine, neovlašteno prometovali količinom od najmanje 44 kg opojne droge „Cannabis Sativa L“, na način da je [REDACTED] zajedno sa [REDACTED], u vremenskom periodu od 20.06.2020. do 04.07.2020. godine, pronašao i kupio od njemu poznatih lica, među kojima se nalazi [REDACTED], najmanje 44 kg opojne droge „Cannabis Sativa L“, koju su smjestili na njima poznatoj lokaciji na teritoriji Crne Gore, da bi ovu opojnu drogu, Žarko Joknić, zajedno sa drugim njemu poznatim licima, za novčani iznos od 5800 Eura, koji mu je platio Dragan Gajić, preuzeli na teritoriji Crne Gore, a zatim dalje dana 06./07.07.2020. godine, prevezli ili prenijeli na teritorij Bosne i Hercegovine, na području općine Foča, sporednim lokalnim putevima, preko ilegalnog prelaza međudržavne granice, te radi daljeg transporta i prodaje smjestili na njima poznatu lokaciju na području Foče, da bi navedenu količinu opojne droge organizator Dragan Gajić prodao [REDACTED] [REDACTED] za novčani iznos od najmanje 68 300 Eura, koju je dana 09.07.2020. godine Vlatko

Blažević, preuzeo na području Foče od Žarka Joknića i njemu poznatih lica, utovario u kombi vozilo Ford, registarskih oznaka [REDACTED], a zatim dalje navedenim kombi vozilom, zajedno sa još jednim njemu poznatim licem, [REDACTED] prevezao na područje Sarajeva i predao [REDACTED] njemu poznatim licima;

1.11. Dragan Gajić, Vlatko Blažević, Šaban Kudo, Selvedin Selimović, zajedno [REDACTED] drugim njima poznatim licima

U vremenskom periodu od 30.10.2020. do 08.11.2020. godine, na teritoriji Crne Gore i Bosne i Hercegovine, neovlašteno prometovali količinom od najmanje 155 kg opojne droge „Cannabis Sativa L“, na način da je [REDACTED], zajedno sa [REDACTED], u vremenskom periodu od 30.10.2020. do 05.11.2020. godine, opojnu drogu preuzeli na širem području Podgorice, smjestili na njima poznatoj lokaciji, a zatim dana 05./06.11.2020. godine istu utovarili u njima poznato vozilo, nakon čega su se najmanje jednim vozilom uputili prema mjestu Krstac, u neposrednoj blizini graničnog prelaza Krstac, na kojem ih je čekao organizator Dragan Gajić koji je preuzeo vozilo u kojem se nalazila opojna droga, a potom kontaktirao Šabana Kudu, koji je u to vrijeme bio na dužnosti u svojstvu policijskog službenika Granične policije Bosne i Hercegovine i koji se nalazio na radnom mjestu na GP Krstac, koji je izviđanjem, navođenjem kretanja vozila u kojem se nalazila opojna droga i blagovremenim dostavljanjem informacija o kretanju službenih lica u pojasu graničnog prelaza Krstac, na području općine Gacko, gdje su ih čekali Vlatko Blažević i Selvedin Selimović, nakon čega su, dana 06.11.2020. godine Dragan Gajić, Vlatko Blažević i Selvedin Selimović prevezli opojnu drogu na područje Novog Travnika, vozilom Citroen Picasso C4, registarskih oznaka [REDACTED] kojim je upravljao Selvedin Selimović, dok su u vrijeme prevoza Dragan Gajić i Vlatko Blažević imali ulogu tzv. „čistača“, u njima poznatom vozilu, tako što su vršili izviđanje putne komunikacije do lokacije skladištenja, gdje su opojnu drogu, radi daljeg prevoza i prodaje, smjestili kod Vlatka Blaževića, pa su dana 08.11.2020. godine količinu od najmanje 30 kg prodali njima poznatim licima [REDACTED], a dana 09.11.2020. godine, količinu od najmanje 75 kg, po cijeni od 1800 Eura po jednom kilogramu prodali licu [REDACTED] koju je Vlatko Blažević istog dana, sa kombi vozilom Ford Transit, registarskih oznaka [REDACTED], prevezao na područje Sarajeva i predao kupcu, dok je 50 kg opojne droge, ostalo smješteno i skriveno na području Novog Travnika kod Vlatka Blaževića, radi daljeg nezakonitog prevoza iz Bosne i Hercegovine u Republiku Hrvatsku i druge države Evropske unije;

1.12. Dragan Gajić, Vlatko Blažević, Šaban Kudo, Selvedin Selimović, zajedno sa [REDACTED] drugim njima poznatim licima

U vremenskom periodu od 08.11.2020. do 13.11.2020. godine, na teritoriji Crne Gore i Bosne i Hercegovine, neovlašteno prometovali količinom od najmanje 200 kg opojne droge „Cannabis Sativa L“, na način da je [REDACTED] zajedno sa [REDACTED], u vremenskom periodu od 08.11.2020. do 10.11.2020. godine, opojnu drogu preuzeo na širem području Podgorice, smjestio na njima poznatoj lokaciji, a zatim dana 10./11.11.2020. godine preuzeo i utovario, u njima poznato vozilo, nakon čega su se najmanje jednim vozilom uputili prema mjestu Krstac, u neposrednoj blizini graničnog prelaza Krstac, na kojem ih je čekao organizator Dragan Gajić koji je preuzeo vozilo u kojem se nalazila opojna droga, a potom kontaktirao Šabana Kudu, koji je u to vrijeme bio na dužnosti u svojstvu policijskog službenika Granične policije Bosne i Hercegovine i koji se nalazio na radnom mjestu na GP Krstac, koji mu je izviđanjem, navođenjem i blagovremenim dostavljanjem informacija o kretanju službenih lica u pojasu graničnog prelaza Krstac, obezbijedio neometan prevoz opojne droge na teritorij Bosne i Hercegovine, na području općine Gacko, gdje su ih čekali Vlatko Blažević i Selvedin Selimović, nakon čega su, dana 11.11.2020. godine Dragan Gajić, Vlatko Blažević i Selvedin

Selimović prevezli opojnu drogu na područje Novog Travnika, vozilom VW Cady, registarskih oznaka [REDAKCIJA] kojim je upravljao Selvedin Selimović, dok su u vrijeme prevoza Dragan Gajić i Vlatko Blažević imali ulogu tzv. „čistača“, u njima poznatom vozilu, tako što su vršili izvidanje putne komunikacije do lokacije skladištenja, gdje su opojnu drogu, radi daljeg prevoza i prodaje, smjestili kod Vlatka Blaževića, pa su dana 12.11.2020. godine količinu od najmanje 110 kg prodali njima poznatim licima na području Banja Luke, koju je Vlatko Blažević istog dana, sa kombi vozilom Ford Transit, registarskih oznaka [REDAKCIJA], prevezao na područje Banja Luke i predao kupcu, dok je preostala količina opojne droge ostala smještena i skrivena na području Novog Travnika kod Vlatka Blaževića, radi daljeg nezakonitog prevoza iz Bosne i Hercegovine u R Hrvatsku i druge države Evropske unije;

1.13. Dragan Gajić, Vlatko Blažević, Šaban Kudo, Selvedin Selimović, zajedno sa [REDAKCIJA] drugim njima poznatim licima

U vremenskom periodu od 11.11.2020. do 01.12.2020. godine, na teritoriji Crne Gore, Bosne i Hercegovine, R Hrvatske i Mađarske, neovlašteno prometovali količinom od najmanje 348 kg opojne droge „Cannabis Sativa L“, na način da je [REDAKCIJA] zajedno sa [REDAKCIJA] u vremenskom periodu od 11.11.2020. do 13.11.2020. godine, opojnu drogu preuzeo na širem području Podgorice, smjestio na njima poznatoj lokaciji, a zatim dana 13./14.11.2020. godine utovarao u njima poznato vozilo, nakon čega su se, najmanje jednim vozilom, uputili prema mjestu Krstac, u neposrednoj blizini graničnog prelaza Krstac, na kojem ih je čekao organizator Dragan Gajić koji je preuzeo vozilo u kojem se nalazila opojna droga, a potom kontaktirao Šabana Kudu, koji je u to vrijeme bio na dužnosti u svojstvu policijskog službenika Granične policije Bosne i Hercegovine i koji se nalazio na radnom mjestu na GP Krstac, koji mu je izvidanjem, navođenjem i blagovremnim dostavljanjem informacija o kretanju službenih lica u pojasu graničnog prelaza Krstac, obezbijedio neometan prevoz opojne droge na teritorij Bosne i Hercegovine, na području općine Gacko, gdje su ih, čekali Vlatko Blažević i Selvedin Selimović, nakon čega su, dana 14.11.2020. godine Dragan Gajić, Vlatko Blažević i Selvedin Selimović prevezli opojnu drogu na područje Novog Travnika, vozilom VW Cady, registarskih oznaka [REDAKCIJA] kojim je upravljao Selvedin Selimović, dok su u vrijeme prevoza Dragan Gajić i Vlatko Blažević imali ulogu tzv. „čistača“, u njima poznatom vozilu, tako što su vršili izvidanje putne komunikacije do lokacije skladištenja, gdje su opojnu drogu, radi daljeg prevoza i prodaje, smjestili kod Vlatka Blaževića, pa su opojnu drogu koja je bila uskladištena kod ovog pripadnika, kako je opisano događajima pod 1.11. i 1.12., zajedno sa ovom opojnom drogom, u ukupnoj količini od 617 kg, u dva navrata prevezli na područje Gradiške, i to dana 16.11.2020. godine, Vlatko Blažević sa kombi vozilom, Ford, registarskih oznaka [REDAKCIJA] i Selvedin Selimović sa vozilom Citroen Picasso C4, registarskih oznaka [REDAKCIJA], u kojima se nalazilo utovareno najmanje 313 kg opojne droge, za vrijeme dok su Dragan Gajić [REDAKCIJA] imali ulogu tzv. „čistača“, u vozilu VW Up, registarskih oznaka [REDAKCIJA] te dana 17.11.2020. godine Vlatko Blažević sa kombi vozilom, Ford registarskih oznaka [REDAKCIJA] u kojem je bilo utovareno najmanje 304 kg opojne droge, koju su u oba slučaja radi daljeg prevoza i prodaje u R Hrvatskoj i Mađarskoj predali [REDAKCIJA] njemu poznatim licima, kao pripadnicima povezanе grupe, a koji je organizovao prevoz opojne droge za novčani iznos od najmanje 49 080 Eura, koji je i dobio od organizatora Dragana Gajića, da bi nakon obavljenog transporta, po uputama organizatora Dragana Gajića, [REDAKCIJA] na teritoriji R Hrvatske od njima poznatog kupca, preuzela novac od prodaje droge u iznosu od 97.000 EUR-a, potom ga na njoj poznat način prenijela u Bosnu i Hercegovinu, od kojeg iznosa je, dana 01.12.2020. godine, na području Posušja, 80 000 Eura predala [REDAKCIJA], dok je 17 000 Eura predala Draganu Gajiću, nakon što su se na njima poznatoj lokaciji sastali na teritoriji Bosne i Hercegovine;

1.14. Dragan Gajić, Vlatko Blažević, Šaban Kudo, Selvedin Selimović, zajedno sa [REDAKTIRANO] drugim njima poznatim licima

U vremenskom periodu od 19.11.2020. do 02.12.2020. godine, na teritoriji Crne Gore, Bosne i Hercegovine i R Hrvatske, neovlašteno prometovali količinom od najmanje 158 kg opojne droge „Cannabis Sativa L“, na način da je [REDAKTIRANO] zajedno sa [REDAKTIRANO]

[REDAKTIRANO], u vremenskom periodu od 19.11.2020. do 25.11.2020. godine, opojnu drogu preuzeo na širem području Podgorice, smjestio na njima poznatoj lokaciji, a zatim dana 25./26.11.2020. godine utovario u njima poznato vozilo, nakon čega su se, najmanje jednim vozilom, uputili prema mjestu Krstac, u neposrednoj blizini graničnog prelaza Krstac, na kojem ih je čekao organizator Dragan Gajić, koji je preuzeo vozilo u kojem se nalazila opojna droga, a potom kontaktirao Šabana Kudu, koji je u to vrijeme bio na dužnosti u svojstvu policijskog službenika Granične policije Bosne i Hercegovine i koji se nalazio na radnom mjestu na GP Krstac, koji mu je izviđanjem, navođenjem i blagovremnim dostavljanjem informacija o kretanju službenih lica u pojasa graničnog prelaza Krstac, obezbijedio neometan prevoz opojne droge na teritorij Bosne i Hercegovine, na području općine Gacko, gdje su ih čekali Vlatko Blažević i Selvedin Selimović, nakon čega su, dana 26.11.2020. godine Dragan Gajić, Vlatko Blažević i Selvedin Selimović prevezli opojnu drogu na područje Novog Travnika, sa njima poznatim vozilima, tako što je vozilom, u kojem se nalazila opojna droga, upravljao Selvedin Selimović, dok su u vrijeme prevoza Dragan Gajić i Vlatko Blažević imali ulogu tzv. „čistača“, u drugom njima poznatom vozilu i vršili izviđanje putne komunikacije do lokacije skladištenja, gdje su opojnu drogu, radi daljeg prevoza, smjestili kod Vlatka Blaževića, pa je dalje dana 26.11.2020. godine, istu količinu opojne droge Vlatko Blažević, u kombi vozilu Ford, registarskih oznaka [REDAKTIRANO], prevezao na područje Gradiške, te radi daljeg prevoza i prodaje u R Hrvatskoj predao [REDAKTIRANO] njemu poznatim licima kao pripadnicima povezane grupe, a koji je organizovao prevoz opojne droge na teritorij R Hrvatske za novčani iznos od najmanje 15 000 Eura, koji je i dobio od organizatora Dragana Gajića, koja je dana 02.12.2020. godine, nezakonito prevezena iz Bosne i Hercegovine u R Hrvatsku, preko MGP Gradiška, skrivena u legalnu robu, koju je na području Zagreba, prema uputama organizatora preuzeo [REDAKTIRANO] zajedno sa [REDAKTIRANO], smjestio na njima poznatu lokaciju, radi dalje predaje licima sa kojim je Dragan Gajić dogovorio neovlašten promet opojne droge;

1.15. Dragan Gajić, Vlatko Blažević, Šaban Kudo, Selvedin Selimović, zajedno sa drugim njima poznatim licima

U vremenskom periodu od 19.11.2020. do 25.12.2020. godine, na teritoriji Crne Gore, Bosne i Hercegovine i R Hrvatske neovlašteno prometovali količinom od najmanje 400 kg opojne droge „Cannabis Sativa L“, na način da je 19.11.2020. godine Vlatko Blažević, po uputama organizatora Dragana Gajića, koji je neovlašten promet opojne droge dogovorio sa [REDAKTIRANO], na širem području Trebinja i Bileće, preuzeo i utovario najmanje 100 kg opojne droge, od koje količine je istog dana 23 kg, a dana 30.11.2020. godine 30 kg prevezao i predao njima poznatim licima na području Sarajeva, dok je 37 kg opojne droge uskladištio na njima poznatu lokaciju na području Novog Travnika, dok je u vremenskom periodu od 01.12.2020. do 06.12.2020. godine [REDAKTIRANO], zajedno sa [REDAKTIRANO]

[REDAKTIRANO], po uputama organizatora Dragana Gajića, koji je neovlašten promet opojne droge dogovorio sa njemu poznatim licima među kojima se nalaze [REDAKTIRANO], na širem području Podgorice, dana 07./08.12.2020. godine u njima poznato vozilo, smjestio najmanje 300 kg opojne droge „Cannabis Sativa L“, nakon čega su se, najmanje jednim vozilom, uputili prema mjestu Krstac, u neposrednoj blizini graničnog prelaza Krstac, na kojem ih je čekao organizator Dragan Gajić koji je preuzeo vozilo u kojem se nalazila opojna droga, a potom kontaktirao Šabana Kudu, koji je u to vrijeme bio na dužnosti u svojstvu policijskog službenika Granične policije Bosne i Hercegovine i

koji se nalazio na radnom mjestu na GP Krstac, koji mu je izviđanjem, navođenjem i blagovremnim dostavljanjem informacija o kretanju službenih lica u pojasu graničnog prelaza Krstac, obezbijedio neometan prevoz opojne droge na teritoriji Bosne i Hercegovine, na području općine Gacko, gdje su ih čekali Vlatko Blažević i Selvedin Selimović, nakon čega su, dana 08.12.2020. godine Dragan Gajić, Vlatko Blažević i Selvedin Selimović prevezli opojnu drogu na područje Novog Travnika, sa najmanje dva vozila, tako što je vozilom VW Caddy, registarskih oznaka [REDACTED], u kojem se nalazila opojna droga, upravljao Selvedin Selimović, dok su u vrijeme prevoza Dragan Gajić i Vlatko Blažević imali ulogu tzv. „čistača“, u drugom njima poznatom vozilu i vršili izviđanje putne komunikacije do lokacije skladištenja, gdje su opojnu drogu, radi daljeg prevoza, smjestili kod Vlatka Blaževića, pa je dalje Vlatko Blažević, dana 10.12.2020. godine, količinu od 139 kg opojne droge, u kombi vozilu Ford, registarskih oznaka [REDACTED], prevezao na područje Gradiške i radi daljeg prevoza u R Hrvatsku i druge države predao [REDACTED] njemu poznatim licima kao pripadnicima povezane grupe, dok su preostalih 177 kg opojne droge, koja je ostala smještena na području Novog Travnika, Vlatko Blažević i Selvedin Selimović, nakon lišenja slobode organizatora Dragana Gajića, u vremenskom periodu od 17.12. do 23.12.2023. godine, u nekoliko navrata, sa kombi vozilom Ford, registarskih oznaka [REDACTED] i drugim njima poznatim vozilom, prevezli i predali, odvojeno, [REDACTED] njima poznatim licima, na području Sarajeva;

1.16. Dragan Gajić, Vlatko Blažević, Šaban Kudo, zajedno sa [REDACTED] drugim njima poznatim licima

U vremenskom periodu od 08.12.2020. do 25.12.2020. godine, na teritoriji Crne Gore, Bosne i Hercegovine, neovlašteno prometovali količinom od najmanje 297 kg opojne droge „Cannabis Sativa L“, na način da je [REDACTED] zajedno sa [REDACTED] [REDACTED], u vremenskom periodu od 08.12.2020. do 11.12.2020. godine, opojnu drogu preuzeo na širem području Podgorice, smjestio na njima poznatoj lokaciji, a zatim dana 11./12.12.2020. godine utovario u njima poznato vozilo, nakon čega su se, najmanje jednim vozilom, uputili prema mjestu Krstac, u neposrednoj blizini graničnog prelaza Krstac, na kojem ih je čekao organizator Dragan Gajić koji je preuzeo vozilo u kojem se nalazila opojna droga, a potom kontaktirao Šabana Kudu, koji je u to vrijeme bio na dužnosti u svojstvu policijskog službenika Granične policije Bosne i Hercegovine i koji se nalazio na radnom mjestu na GP Krstac, koji mu je izviđanjem, navođenjem i blagovremnim dostavljanjem informacija o kretanju službenih lica u pojasu graničnog prelaza Krstac, obezbijedio neometan prevoz opojne droge na teritoriji Bosne i Hercegovine, na području općine Gacko, gdje su ih čekali Vlatko Blažević [REDACTED] nakon čega su dana 08.12.2020. godine Dragan Gajić, Vlatko Blažević [REDACTED] prevezli opojnu drogu na područje Novog Travnika, sa najmanje dva vozila, tako što je vozilom [REDACTED] [REDACTED], u kojem se nalazila opojna droga, upravljao [REDACTED] dok su u vrijeme prevoza Dragan Gajić i Vlatko Blažević imali ulogu tzv. „čistača“, u drugom njima poznatom vozilu i vršili izviđanje putne komunikacije do lokacije skladištenja, gdje su opojnu drogu radi daljeg prevoza, smjestili kod Vlatka Blaževića, pa su dana 12.12.2020. godine, istu količinu opojne droge Vlatko Blažević, upravljajući kombi vozilom, Ford registarskih oznaka [REDACTED], u kojem se nalazila utovarena opojna droga, a Dragan Gajić [REDACTED], u ulozi tzv. „čistača“, u vozilu VW Up, registarskih oznaka [REDACTED], prevezli na područje Gradiške i radi dalje prevoza i prodaje u R Hrvatskoj predali [REDACTED] drugim njemu poznatim licima kao pripadnicima povezane grupe, koja je ostala smještena i skrivena na području Gradiške, zajedno sa opojnom drogom opisanoj događajem pod 1.15., u količini od najmanje 436 kg, koju su, dana 25.12.2020. godine, policijski službenici Ministarstva unutrašnjih poslova Republike Srpske pronašli i privremeno oduzeli, prilikom pretresa kuće i pomoćnih objekata [REDACTED]

1.17. Dragan Gajić, Vlatko Blažević, Šaban Kudo, zajedno sa [REDACTED] drugim njima poznatim licama

U vremenskom periodu od 15.12.2020. do 28.01.2021. godine, na teritoriji Albanije, Crne Gore i Bosne i Hercegovine, neovlašteno prometovali količinom od najmanje 61 kg opojne droge „Cannabis Sativa L“, na način da je [REDACTED] zajedno sa [REDACTED] i drugim njima poznatim licima, po uputama organizatora Dragana Gajića, koji je neovlašten promet opojne droge, dogovorio sa [REDACTED], nabavio i preuzeo 61 kg opojne droge „Cannabis Sativa L“ na teritoriji Crne Gore, koju su dana 20./21.01.2021. godine, smjestili u vozilo, a potom se uputili prema mjestu Krstac, da bi s dolaskom u neposrednoj blizini graničnog prelaza Krstac, ostvarili komunikaciju sa Šabanom Kudom, koji je u to vrijeme bio na dužnosti u svojstvu policijskog službenika Granične policije Bosne i Hercegovine i koji se nalazio na radnom mjestu na GP Krstac, koji je izvidanjem, navođenjem i blagovremnim dostavljanjem informacija o kretanju službenih lica u pojasu graničnog prelaza Krstac, obezbijedio neometan prevoz opojne droge na teritoriji Bosne i Hercegovine, na području općine Gacko, gdje su ih čekali Vlatko Blažević [REDACTED], koji su, dana 21.01.2021. godine, preuzeli opojnu drogu i prevezli na područje Novog Travnika, sa najmanje dva vozila, među kojima se nalazilo kombi vozilo Ford, registarskih oznaka [REDACTED], pri čemu je [REDACTED] upravljao vozilom u kojem se nalazila opojna droga, dok je Vlatko Blažević imao ulogu tzv. „čistača“, tako što je vršio izvidanje putne komunikacije do lokacije skladištenja, gdje su opojnu drogu, radi daljeg prevoza, smjestili kod Vlatka Blaževića, odakle je dana 22.01.2021. godine, istu količinu opojne droge Vlatko Blažević, u kombi vozilu, Ford registarskih oznaka [REDACTED], prevezao na područje Banja Luke, gdje je 21 kg predao njima poznatom licu [REDACTED]

1.18. Blaženko Rašević, zajedno sa [REDACTED] drugim njemu poznatim licama

U vremenskom periodu od septembra 2021. godine do 17.03.2022. godine, opojnu drogu koja je djelovanjem Grupe na njima poznat način sa teritorije Crne Gore prevezena ili prenesena na teritorij Bosne i Hercegovine, u njemu poznatim količinama, koju je radi dalje prodaje smjestio na njemu poznatoj lokaciji na području općine Pale, od koje količine opojne droge je dana 06.02.2022. godine na području Pala licima [REDACTED], prodao najmanje 5,5 kg opojne droge „Cannabis Sativa L“, za iznos od 1850 Eura po jednom kilogramu opojne droge, a koji su kupljenu opojnu drogu, sa mjesta preuzimanja nastavili dalje prevoziti u pravcu Sarajeva, [REDACTED], a koje vozilo su policijski službenici Ministarstva unutrašnjih poslova Republike Srpske pokušali zaustaviti i kontrolisati, u mjestu Han Derventa, općina Pale, pri čemu se [REDACTED] nisu zaustavili na znakove policijskih službenika, nastavljajući dalje da se kreću u pravcu Sarajeva, da bi u mjestu Han Derventa izbacili PVC vreću, u kojoj se nalazila opojna droga, koja je potom pronađena i izuzeta uviđajem na licu mjesta, a za koju je utvrđeno da se u istoj nalazilo 5,5 kg opojne droge „Cannabis Sativa L“.

1.19. Dragan Gajić, zajedno sa drugim njemu poznatim licama

U vremenskom periodu od 25.10.2019. do 06.11.2019. godine, zbog sumnje da je [REDACTED], po lišenju slobode otkrio njega kao organizatora, te ostale pripadnike Grupe u izvršenju krivičnog djela od 23.10.2019. godine, opisanog u događaju pod 1.5. ove optužnice, sa ciljem zastrašivanja pripadnika Grupe [REDACTED], te mogućih svjedoka u ovom krivičnom predmetu, pronašao i angažovao njemu poznata lica, koja su, za novčani iznos od najmanje 5000 Eura, dana 06.11.2019. godine, po uputama Dragana Gajića, izvršile paljevinu poslovne zgrade, tačnije ugostiteljskog objekta [REDACTED] na području Čapljine, u mjestu Gabela, [REDACTED]

██████████, čime je ██████████ prouzrokovana šteta koja prelazi iznos od 80.000,00 KM.

2. Šaban Kudo - sam

U dužem vremenskom periodu, Šaban Kudo, suprotno članu 6. i 7. Zakonu o nabavljanju, držanju i nošenju oružja i municije Bosansko-podrinjskog kantona („Službene novine Bosansko-podrinjskog kantona“, broj 10/17, 13/19 i 11/21), svjestan da nije mogao nabaviti i držati vatreno oružje, municiju i eksplozivne materije, na tačno neutvrđen način nezakonito nabavio i neovlašteno držao 01 (jednu) vojnu automatsku pušku, tip „Kalašnjikov“, model „AIM“, serijskog broja ██████████, sa drvenim kundakom, kal. 7,62x39 mm, 01 (jednu) automatsku pušku, marke „Zastava“, model „M70AB2“, serijskog broja ██████████, sa preklopnim kundakom, kali. 7,62x39 mm, 261 (dvestošeždesetjedan) komad municije kalibra 7,62x39 mm, 01 (jedan) puščani metak kal. 5,45x39 mm, 07 (sedam) okvira za municiju kal. 7,62x39 kapaciteta 30 metaka, 2 (dvije) ručne bombe, a koje su policijski službenici Granične policije Bosne i Hercegovine pronašli i privremeno oduzeli prilikom pretresa objekata, ██████████ općina Ustikolina-Foča, čiji je vlasnik i korisnik Šaban Kudo.

Dakle,

Tačkom 1.

Dragan Gajić organizovao i rukovodio Grupom za organizovani kriminal koja je zajedničkim djelovanjem: neovlašteno vršila međunarodnu prodaju, prijenos, nudila na prodaju, radi prodaje kupovala, držala, prevozila i prenosila, posredovala u međunarodnoj prodaji i kupovini i na druge načine neovlašteno stavljala u međunarodni promet supstance koji su propisom proglašeni opojnim drogama; policijskom službeniku Granične policije Bosne i Hercegovine davala, a pripadnik u svojstvu policijskog službenika Granične policije Bosne i Hercegovine primao dar u novcu da izvrši što ne bi smio izvršiti i da ne izvrši što bi morao izvršiti; zapalila tuđu zgradu namijenjenu privrednom poslovanju čime je prouzrokovana šteta;

Blaženko Rašević, Žarko Joknić, Nikola Jovančić, Selvedin Selimović kao pripadnici grupe za organizovani kriminal neovlašteno vršili međunarodnu prodaju, prijenos, nudili na prodaju, radi prodaje kupovali, držali, prevozili, posredovali u međunarodnoj prodaji i kupovini i na druge načine neovlašteno stavljali u međunarodni promet supstance koji su propisom proglašeni opojnim drogama;

Vlatko Blažević kao pripadnik grupe za organizovani kriminal neovlašteno vršio međunarodnu prodaju, prijenos, nudio na prodaju, radi prodaje kupovao, držao, prevezio, posredovao u međunarodnoj prodaji i kupovini i na druge načine neovlašteno stavlja u međunarodni promet supstance koji su propisom proglašene opojnim drogama, te policijskom službeniku Granične policije Bosne i Hercegovine davao dar u novcu da izvrši što ne bi smio izvršiti i da ne izvrši što bi morao izvršiti;

Šaban Kudo kao pripadnik grupe za organizovani kriminal neovlašteno vršio međunarodnu prijenos, radi prodaje prevezio i na druge načine neovlašteno stavlja u međunarodni promet supstance koji su

propisom proglašene opojnim drogama, te u svojstvu policijskog službenika Granične policije Bosne i Hercegovine primio dar u novcu da izvrši što ne bi smio izvršiti i da ne izvrši što bi morao izvršiti;

Tačkom 2.

Šaban Kudo nabavio i držao oružje, municije i eksplozivne materije čija nabavka građanima uopće nije dozvoljena.

Čime su:

- **Dragan Gajić**, radnjama opisanim pod tačkom 1. počinio krivično djelo „Organizovani kriminal“ iz člana 250. stav (3) Krivičnog zakona Bosne i Hercegovine, a u vezi sa krivičnim djelima „Neovlašteni promet opojnim drogama“ iz člana 195. stav (1), „Davanje dara i drugih oblika koristi“ iz člana 218. stav (1) Krivičnog zakona Bosne i Hercegovine, „Primanje dara i drugih oblika koristi“ iz člana 217. stav (1) Krivičnog zakona Bosne i Hercegovine krivičnim djelom, „Paljevina“ iz člana 302. stav (1) Krivičnog zakona Federacije Bosne i Hercegovine;
- **Blaženko Rašević, Žarko Joknić, Vlatko Blažević, Nikola Jovančić, Selvedin Selimović** radnjama opisanim pod tačkom 1, počinio krivično djelo „Organizovani kriminal“ iz člana 250. stav (2) Krivičnog zakona Bosne i Hercegovine, a u vezi sa krivičnim djelom „Neovlašteni promet opojnim drogama“ iz člana 195. stav (1) Krivičnog zakona Bosne i Hercegovine;
- **Vlatko Blažević**, radnjama opisanim pod tačkom 1. počinio krivično djelo „Organizovani kriminal“ iz člana 250. stav (2) Krivičnog zakona Bosne i Hercegovine a u vezi sa krivičnim djelima „Neovlašteni promet opojnim drogama“ iz člana 195. stav (1) i „Davanje dara i drugih oblika koristi“ iz člana 218. stav (1) Krivičnog zakona Bosne i Hercegovine;
- **Šaban Kudo**, radnjama opisanim pod tačkom 1. počinio krivično djelo „Organizovani kriminal“ iz člana 250. stav (2) Krivičnog zakona Bosne i Hercegovine a u vezi sa krivičnim djelima „Neovlašteni promet opojnim drogama“ iz člana 195. stav (1) i „Primanje dara i drugih oblika koristi“ iz člana 217. stav (1) Krivičnog zakona Bosne i Hercegovine, te pod tačkom 2. krivično djelo „Nedozvoljeno držanje oružja ili eksplozivnih materija“ iz člana 371. stav (1) Krivičnog zakona Federacije Bosne i Hercegovine, sve u vezi sa članom 53. KZ BiH.

T U Ž I L A C
TUŽILAŠTVA BOSNE I HERCEGOVINE